



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-6298-5

Dana: 11.01.2022. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2021. godinu, imenovane Rješenjem broj 05-1-30-1-2423 od 10.05.2021. godine i Rješenjem o izmjeni Rješenja broj 05-1-30-1-2423-1 od 16.08.2021. godine, u postupku javne nabavke satova za penzionere, penzionisane uposlenike Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, d o n o s i

O D L U K U

o izboru ponuđača za nabavku satova za penzionere, penzionisane uposlenike Ministarstva unutrašnjih poslova Kantona Sarajevo

I

Na osnovu Odluke broj 01-11-4-6298-4 od 14.12.2021. godine i Obavještenja o nabavci broj 1364-7-1-58-3-32/21 od 16.12.2021. godine, proveden je konkurentski zahtjev za dostavu ponuda u postupku nabavke satova za penzionere, penzionisane uposlenike Ministarstva unutrašnjih poslova Kantona Sarajevo.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli ugovora, ponuđaču ABC Sporting d.o.o. Banja Luka u iznosu od 12.990,00 KM bez PDV-a (dvanaest hiljadadevetstotina devedeset i 00/100 KM).

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-11-4-6298-4 od 14.12.2021. godine i Obavještenja o nabavci broj 1364-7-1-58-3-32/21 od 16.12.2021. godine, proveden je konkurentski zahtjev za dostavu ponuda u postupku nabavke satova za penzionere, penzionisane uposlenike Ministarstva unutrašnjih poslova Kantona Sarajevo.

Javno otvaranje ponuda izvršeno je dana 24.12.2021. godine, sa početkom u 14:45.

Komisija je pristupila otvaranju prispjelih ponuda, a otvaranju ponuda nije prisustvovao niko od predstavnika ponuđača.

Komisija je utvrdila da u postupku predmetne nabavke, na portalu Agencije za javne nabavke BiH nije bilo postavljenih pitanja.

Tendersku dokumentaciju preuzelo je petnaest ponuđača, a prispjele su dvije ponude, i to:

- ABC Sporting d.o.o. Banja Luka i
- Silver Trend d.o.o. Mostar.

Obje prispjele ponude su blagovremene i imaju sljedeće vrijednosti:

- ABC Sporting d.o.o. Banja Luka u iznosu 12,990,00 KM bez PDV-a i
- Silver Trend d.o.o. Mostar u iznosu 13.470,00 KM bez PDV-a.

Komisija je pristupila provjeri kvalifikacije ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava, a koji su traženi Tenderskom dokumentacijom.

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je sljedeće:

- ponuđač „Silver Trend“ d.o.o. Mostar ne ispunjava uslove iz Tenderske dokumentacije tražene u tački 14. Način dostavljanja ponude, koja glasi u dijelu „Napomena: Ponuda se čvrsto uvezuje (ukoričena u knjigu ili uvezana jemstvenikom) na način da se onemogući naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova“,
- ponuda ponuđača ABC Sporting d.o.o. Banja Luka ispunjava sve uslove iz Tenderske dokumentacije.

S obzirom da je samo jedna od pristiglih ponuda formalno-pravno ispravna i kvalifikovana, nisu su se stekli uslovi za zakazivanje e-aukcije.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama BiH („Sl. glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli ugovora za nabavku satova za penzionere, penzionisane uposlenike Ministarstva unutrašnjih poslova Kantona Sarajevo ponuđaču ABC Sporting d.o.o. Banja Luka u iznosu od 12.990,00 KM bez PDV-a.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od pet dana od dana prijema Obavijesti, a u skladu sa članom 99. i 101. Zakona o javnim nabavkama BiH.

DOSTAVITI:

1. Ponuđačima x2;
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



MINISTAR

Admir Katica



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

